



ШИД

Потримовка културному скарбу

Манифестацију нащивели амбасадоре вецей европских державох и Австралиї и Канади, а нова председателька Покраїнскей влады АП Войводини Мая Гойкович, пришла до першей нащиви єдней локалней самоуправи и манифестациї як ступела на нову длужносц. Домашнї женом були жени зоз Здружєня женох „Бикичанки“ з Бикичу и „Вредни руки“ з Вашици. Жени перебували и вишивали у будинку Летней владическей резиденциї

Од 8. по 11. май у Шидзе отримана перша Колония билого вишиваня на хтору пришли коло 20 жени з вецей городох Сербиї, од Нового Пазару на югу по Зомбор на северу. Колонию організовали **НАЛЕД** и **Етно мрежа** Сербиї з потримовку Општини Шид и Туристичней організації Шиду, а домашнї женом були жени зоз Здружєня женох „Бикичанки“ з Бикичу и „Вредни руки“ з Вашици. Жени перебували и вишивали у будинку Летней владическей резиденциї. На тот способ чували традицију такволаного билого вишиваня (била цверна на билим платну), а тиж жени зоз Бикичу представели нашо руске вишиванє з нашима мотивами хтори тиж препознатлїви.

Прешлей суботи у порти Резиденциї отримани, такволани дипломатични дзєнь на колонїї з виставу роботох на штандох, а жени и теди вишивали. Манифестацију нащивели вецей амбасадоре европских державох и Австралиї и Канади, а нова председателька Покраїнскей влады АП Войводини Мая Гойкович, пришла до першей нащиви єдней локалней самоуправи и манифестациї як ступела на нову длужносц. Госцох привитал председатель општини



У СРИМЕ ЄСТ ЦО ВИДЗИЦ

После нащиви Колонїї билих вишивкох, председателька Гойкович и високи госци, нащивели Спомин хижу маляра Сави Шумановича у Шидзе, хтора генерално обновена прешлого року. Тиж нащивели и Скарбнїцу Сербскей православней церкви у Шидзе, а нащива закончена у Винариї „Два кули“ на Бени при Бачинцох.



Зоран Семенович, а Гойковичова потим пообиходзела штанди и побешедовала зоз женами. На колонїї були виложени и сухи месово продукти и палєнки, а своєю продукти представел и кушнїр з Беркасова Мирослав Сорочко, жени зоз Здружєня женох з Вишнїчева, як и припаднїки словацкей националней заєднїци зоз Шиду.

Амбасадор Канади у Београдзе Джайлз Норман, визначел значносц богатства културного скарбу и розличносци хтори ше пєстую у Сербиї, похвалел сотруднїцтво зоз **Етно мрежу** Сербиї, а тиж коштовал и домашнї сримски кулен на єдним штанду дзе були продукти месарнї Лемаїч.

Мая Гойкович визначела значносц пєстованя и чуваня културного идентитета и змощьованя женох, а тиж и же Руснаци у Бачкей и Сриме состояна часц идентитету Войводини зоз своєю традицију, медзи хторима и препознатлїви вишивки.

– Тото место привредних стретнуцох и дїловних контактох, а Покраїнска влада ше и надалєй будзе намагац же би ше ширело преїтгранични сотруднїцтва зоз Мадярску, Горватску и Босну и Герцєговину. Будземе давац потримовку продуктом и шицкому цо ноши ознаку „Найлепше зоз Войводини“, бо то добри модел змощьованя препознатлївосци Сербиї у региону и швецє – гварела предисдателька Покраїнскей влады Мая Гойкович.

Вл. Дїтко